

# "طريق الساحل" يتصدر "تويتر" وأبو كرتونة يوزع على طبقة الساحل الشمالي هدايا ب600 جنيه !!



الجمعة 7 يوليو 2023 08:54 م

كان مثيرا لدهشة كثير من المصريين وتعجبهم، توزيع السيسي "كرتونة" هدية لزوار الساحل الشمالي (أصحاب السيارات) تضمنت سلعا رفاهية (نظارة وعوامة بحر وأنواع شيكولاتة و...) وسجل أغلبهم تناقض السيسي الذي خص طبقة زوار الساحل الشمالي بهداياه (التي حملت صورته وتاريخ 30-6) في حين حرم ملايين المصريين من دعم تمويني بطل حالة التضخم غير المسبوقة في مصر، ووصول نصيب الفرد المتمتع ببطاقة تموين إلى فقط زجاجة زيت!

وسبق للسيسي أن شارك في مبادرة بعنوان "كتف بكتف" نظمها اتحاد الجمعيات الأهلية وذلك لتوزيع "كراتين" باستاد القاهرة على المعوزين والمحتاجين ولكن المبادرة كشفت عن فشلها عندما غابت فعليا عن الفقراء وأن الحضور كان لأخذ لقطة مع السيسي في الاستاد وعادت بعض السيارات محملة بكراتين قدم بها المتفوعون من رجال أعمال مقربون من الانقلاب على غرار أبو هشيمة وأبو العينين وأحزاب وجمعيات تابعة لأجهزة السيسي الأمنية المخابرات وأمن الدولة...

حساب الناظر @ub\_58 قال تحت الهاشتاج (ابو كرتونه) "

-انا مواطن مصرى وعندى حقوق ومن حقى اعرف

-انا مخدتش علبة ليه من كرتونة السيسى ولا هى بتتوزع بس على اهل الساحل الاغنياء

- طب حتى وزعووووووووا علينا دعاء المظلوووووووم".

أما حساب سيس عنخ أمون @6666cv فكتب "و نحن على مقربة من إنتخابات رئاسية مزعومة، نجد جنود الفرعون السيسي يوزعون هدايا لمرتادي الساحل الشرير، بإسم مبادرة "كلنا واحد، من كرش صندوق تحيا مصر العسكري.. علبة فخمة تحتوي كوتشينة، شيبسي و كيت كات و نظارة بحر و عوامة، تتناسب مع أغنياء مصر، لأنهم شعب و إحنا شعب، كما غنى علي الجقار".

وعلق حساب وليم محمد @waleedm71932078، "ياعم الفنّه اللي بتروح الساحل وشرم تستاهل او لاء ف ناس مش لاقية العيش الحاف مش توزع عليه محتوها مش اقل من ٢٠٠ علي ناس معاها ملايين".

وأضاف زيكو المصري @zikoelmasry1، "عرفت كلمة السر اللي معاه باكو بوربو تبعهم ويشيرلهم الفيديو لان اللي بيصور جوه العربية مش بره ويدوله علبة يحيا الساحل الشمالي".

وأشار أحمد فرعون @AhmedPharaoh9، "انا مواطن مصرى وعندى حقوق مصرية من حقى اعرف .. انا مخدتش علبة ليه من كرتونة السيسى ولا هى بتتوزع بس على اهل الساحل".

ووصف أسامة @lusamakamelawad المشهد وكأنه فرح شعبي "الشاشة في بلدنا مليانه كهارب وترتر .. احلي حاجه الهدايا بتاعه الناس اللي رايحه الساحل بتصيف .. هديه من السيد (...)، وبيقول لكم كل سنة وإنتم طبيين .. " وساخرا علق "خساره مافيش واحده ريديول و علبه مارلبورو احمر".

العلبة دي فيها إيه

وعلى نسق علبة فيلم (طاقية الاخفاء) كتب أسامة جاويش @osgaweesh، "العلبة دي فيها ايه وبكام... انتشر فيديو لمجموعة من ضباط الشرطة بيوزعوا كراتين على المواطنين على أحد الطرق المصرية... الكرتونة مكتوب عليها مبادرة " كلنا واحد" ٣٠/٦ وهي مبادرة رئاسية برعاية وزارة الداخلية لتوفير السلع بأسعار أقل... ضابط الشرطة قال للسيدة انها هدية من الرئيس... طيب يا ترى السيسي اللي معندوش فلوس للتعليم او الصحة بيوزع كراتين تكلفتها كام؟.. تعالوا نشوف العلبة دي فيها إيه وتكلفة الحاجات اللي جواها كام:

كيس شيبسي 5 جنيه

2 نظارة بحر 200 جنيه

بسكويت ديليسو مستورد 20 جنيه

كوتشينة 50 جنيه  
عصير جهينه 5 جنيه  
شكولاتة كيت كات 20 جنيه  
شكولاتة إن آند إمز 50 جنيه  
عوامة 200 جنيه  
نوع آخر من البسكويت  
الإجمالي حوالي 600 جنيه

وعلق جاويش "فيه مجموعة أسئلة مهمة : السيسي جاب الفلوس دي مينين؟ هل مصدرها صندوق مصر السيادي ولا تحيا مصر ولا التحالف الوطني لدعم العمل الأهلي التنموي؟ هل الكراتين دي رشوة انتخابية؟ مين مستحقيها؟ هل مبادرة كلنا واحد بتقول انه ضباط الشرطة يوزعوا كراتين عالوطنين في الطرق ولا يوفروا السلع بأسعار اقل في منافذ بيع خاصة؟ ليه الحكومة انتهت الدعم الاستثنائي ل ٣0 مليون مواطن وبتوزع كراتين بالتكلفة دي على مواطنين تانيين؟".